

Covid-19 ba Corona sabisina ong·katna on·gijagipa somoirango Game Ge·e Cha·giparangna India Sorkarini Aganmesokani *

Gama ge·ani aro Unbaksa Manchapgipa Kamrangna Champengani Dongjawa:

- i. Jila kaanirangko Sanram biap (Veterinary Hospital-rang)
- ii. Dolrang (Agency) jean agriculture-ni bosturangko ra·enga aro MSP ni kamrang
- iii. Agriculture Produce Market Committee ni kuligipa antirang ba A·dok Sorkarini kulina on·gipa nangchongmotgipa bosturangko palgipa dokanrang
- iv. A·bao, mi apalo ba baganrango gama ge·ani ba aka tet·ani ni kamrang
- v. Custom Hiring Centers (CHC) jeoniko gamna ge·na jakkalgipa kol ba ostromrangko bhara ra·na man·a
- vi. Bitchil, fertilizer, asal, jo·ongrang aro sabisirangni samrangko tarigipa biaprang ba karkanarang
- vii. A·dokni ning·o aro a·dok gesa gegipnona nakani ba ge·ani kol/ostromrang jekai combine harvester aro gipin agriculture ba horticulture-ni bosturang ko ra·ruraani

Ia dakna on·anirang, Agriculture aro unbaksa nangchapgipa kamrangna, ong·katna on·gijagipa somoirango champenganirangko olgrokatgen. Merong mechu aro uandake nangchongmotgipa bosturang jedakode mikkang sal somoirango chotchangjawa.

India Sorkari mesokaha gita A·dokrangni Minister rang aro department-rang da·o ong·katna on·gijagipa somoirango dakna nanggni kamrangko a·dokterang aganmesokaniko on·aha, jedakode gama ge·ani aro unbaksa man·chapgipa kamrangna nengnikani dongjawa.

*(Ministry of Home Affairs, India Sorkari, chitti No.40-3/2020-DM-1(A), tarik 24th ,25th aro 27th March 2020, clause 2,4,5 aro 6 na on·dapani je- dakna on·anirang Ministry of Agriculture and Farmers Welfare, India Sorkari ni molmolani gita)

India Sorkarini dongimin Niamrango pangchake, dingtang dingtang ministerang aro a·dokni department-rang, Agriculture aro unbaksa nangchapgipa kamrang jedakode neng·nikaniko man·jawa dakna nang·gni kamrangko ui·atan baksa aganmesoke on·aha.

Gamgipa ge·giparangna ge·etani:

Raani aro Nak·ani kamrang

Corona sabisina ong·katna on·gijagipa somoirango rabi ba sinkario ge·gimin bosturang minbaengjok. Uarango raani aro palram biapona ra·baani somoitangitan ong·aia. Indiba ge·giparang aro uarango palgiparang corona sabisini batrikrikaniko champengna gita adita simsaksoanirangko dakchina. Saksa sakgipinoni chelgrike dongchina, rongtal antale dongchina aro jakrangko sabonrangchi susrangchina, kragipa gana chinanirang, ku·sik aro gingtingrangko ba·rarangchi/ mask-rangchi pilak somoirangon katipe aro kamna jakkalgipa ostromrangko rongtale rakichina. A·bao, mi apalo ba baganrango kamkagiparang, kam

ka-miting somoirango naljokani jakurangko ra-china aro saksa sakgipinoni chel-grikao dong-china.

- Daomiting somoirango Salgro jolni a-dokrangko Gom mi ko raana jakkalgipa ostromangko a-dok ge-saoni ge-gipinona ra-ruraaniko champengani dongjawa. Ostromangko chalaigipa aro tarigipa manderang janapgimin simsak naljokani bewalrangko dakchina.
- Silso ko ratani aro nakani kamrangkoba simsakanirangko ra-gate ka-angchina.
- Dal, meraku, jalik, gram, gritrangko aro abani mesurangko mitamrangko ge-ani aro gipinrangko akani somoi ong-engaha.
- Uni gimin pilak kamkagiparangan ku-sik aro gitingrangko bararangchi ba mask rangchi pilak somoirangon katipe kam ka-china aro jakrangko sabonrangchi nangagita jaksuchina. Mi misi, mesu samjak, bolam bite aro jila kaanirang aro gipin gama ge-ani kamrang ong-ja maina.
- Hajira ba kam ka-ani somoirango sakprako 4-5ft ba mandesa apalgipa line strip o sakprakprak dake aro chel-grikao kam ka-atchina.
- Mesal cha-ani, cha ringani ba saljatchio nengtakani somoirango kam kagiparang saksa sakgipinoni mandesa apale (4ft) ong-e chel-grikao dongchina. Bosturangko gari rango gatani, ra-onani aro ra-ruraani somoirangoba saksa sakgipinoni chel-grikaniko rakichina.
- Pilak a-bani kamrangko salsano ka-jachina indiba tok tok dake ka-china. Bang-a manderangko salsano apan kam ka-atjachina; nangode komibeesa, ba bangija manderangko san hajira ra-china.
- Ui-gipa mandekosa aro name singsandiani jamanosa (chongmotan corona sabisi man-gipa a-dokrangona songre songabata dongama dongja aro ia sabisi sagipa manderang baksa bakrima dongama dongja aro corona sabisi saani chinrang dongama dongja) rakina man-aigen. Jedakode corona sabisi man-gipa mandeko kam ka-rimska manderangona batataniko champengna man-gen.
- Ostro ba kolrangchi chu-sokatna man-gipa kamrangkode uchin matchotatchina aro man-na dipet mandeko hajira ra-gijan kamrangko matchotatna man-ode nambegen. Ostro aro kolrangkoba nangchonmotgipa driver aro chailigiparangna agre gipin manderang jarikchapjachina.
- A-doko napon aro songrango napon ostromangko su-srangchengna nang-gen uni jamansa a-doko napna man-gen aro ua ostro ba kolrangko jakkalna man-gen. Bostu salruratenggipa gari rang, bostu ra-chakgipa bostarang, ra-chakanirang aro tepani ba bilani bosturangko su-srangna ba rongtalatna nanga.
- Nakengipa ostromang aro garirangko name dake rongtalate ge-gipa gamgipa dolrangni gisepo jakaloba jakkalna nanggen je dakode corona sabisi janapgimin ostro, tepani ba bilani bosturang ba bostarang gita mandeskaona batna man-jawa. Je ostromangko ba bosturangkon changni chang ba bang-a manderang rim-na nanga uarangkode sabon aro chichi su-galjingna nanggen.

Akani jamano, chimonge donani aro palani

- Akani jamano akgimin biterangko ran-atani somoio, ba nakani somoio, ba mi jipani somoio ba merong baseani, ba choani ba bostarango chipani somoio aro uandagipa kamrango, mask-rangko ganchina ba ba-rarangchi ku-sik aro gitingrangko katipchina.
- Jamo donatna skang name dake mi misiko aro gipin biterangko jerangkon jamo chimonge dona man-achim uarangko name dake salo ran-atcina. Re-anggipa bilsini ba gitcam bostarango jakkaljachina maina uarango nosto kaatgipa jonturang gnan. Je bostarangkon 5% neem solution, chongmotan 500 ml (adha litre) neem sam ko litre 10 chio brine, uano bostarango dime donani jamano salo ran-atahachim, uandagipa bostarangkosan jakkalchina.
- Bosturangko jamrango ba storage ba godown-rango donna skang nangchongmotgipa simsaksoani jakurangko de-china.
- Ge-a gamani bosturangko pala simanirango an-tangtangko naljokke rak-kianina ku-patigiminrangko palgiparang gisiko nange jarikchina.
- Certified bitchilrangko company-rangna ge-enggipa gamgiparang sorkarina documentrangko mesoke uarangko company-rangona gario salangna man-gen. Uandagipa bitchirangna gamaniko ba tangkako ra-chakengo sabisina simsakanirangko jarikchina.
- Ge-ani bitchilko tarigipa karkanarang ba processing unit-rangoniko bitchilrangko a-dok ge-saoni ge-gipinona ra-angna nanga jedakode dao kharif ba wachi karini somoio ge-gipa mesu samjak bolam biterangko gamgiparang a-batangtango ge-na man-gen. Mesokna gita SSG bitchilrang jean jila ka-ani matburunrangni cha-ani samsi bitchil ong-a uko Indiani Salgro jolo April jaon ge-gnok. Ia SSG samsi bitchilrangko Indiani Salgipeng a-dokrangoniko Salgro chipak donggipa a-dokrangona ra-angna nangen.
- Baring belati, pul kobi, temit ba bijakrara dakgipa mesurangko palatani ba gipin biapona palna watatengon nanggipa simsakani aro corona sabisioni naljokatanina janapginin ku-pattianirangko raken manichina.

A-bao dao dongengipa mi misirang ba ge-anirang:

- Gom mi ge-gipa jolrango da-onaba sinkuengani gimin gom mi ko ratkugija sal 10 ba 15 rangna sengo nambatgen. Chongmotan April jani 20th tarik ni jamo ratchina.
- Rabi ba sinkarini mi Salgipeng a-dokrango bite ong-baengjok aro neck blast sabisiko man-enga. Ia sabisina sam satmitingo satgipa manderangchi satatengon corona sabisiko champengna nangchongmotgipa simsakanirangko rakkina nangen.
- Wachikarina skang ong-ronggija mika waode mi bitchilrang bimik naa. Mi bitchilrangni bimik naaniko champengna gita 5% salt solution ba 500 gm (adha kg) kariko litre 10 chio gongone mi bitchilrango satchina.

- Horticulture crops-rango jekai tegatchurang uarangna asalrangko on·anio ba samrangko satanio corona sabisiko champengna nangchongmotgipa simsakanirangko rakkina nangen.
- Dingkario ge·gipa mesu samjakrang aro mi ge·kugijagipa a·palranggo whitefly jo·ongko champengani kamrangko ka·anioba corona sabisiko champengna gita je ge·etanitrangko sorkari on·ahachim uarangko jarikchina.